



Archdiocese  
OF Wellington



# Caulogologo

## FA'AALIGA

Lomiga 79  
IULAI 2018

O LE FA'AALIGA LAUA'ITELE A LE ATUA I LE TAGATA e uiga i lona natura ma lona finagalo: O le manatu autū lenei ua tatou malamalamaina ai i le "fa'aaliga" i aso nei. Ae o lenei manatu autū e le maua lea i le Tusi Pa'ia lava ia, o lo'o fa'asino i ai le ulua'i apolokalifa Eleni (Roma 2: 5; 16: 25) o lo'o fa'asino lea i mea na tutupu i taimi fa'apitoa na fa'ailoa mai ai le moni e mamana i se tasi e ala i upu po'o ni gaioiga. O vaega na fa'atelea tala o le Feagaiga Tuai na fa'amatalaina le feiloa'iga tu'u sa'o a le Atua i le tagata – ia Atamu po'o Noa. I vaega po'o tala fa'a'āfa'afa o le tala'aga o fa'aaliga o le finagalo a le Atua e sau fa'asolosolo e pei o se vala'au i se gaioiga, e masani e sau ai ma se fa'atonuga, se folafolaga ma se meaalofa. Na vala'auina Apera'amo e avea ma Tamā o se nu'u tele, ma folafola atu i ai se olaga lelei fa'apea se atali'i. Na vala'auina Mose e ta'ita'ia maia lenā nu'u mai le pologa, ma na folafolaina atu i ai se lau'ele'ele e tafe ai le suāsusū ma le meli ma avatu i ai Tulafono. Na fa'ailoa mai e le Kenese le fa'aaliga a le Atua lava ia iā Apera'amo e ala i se asiasiga a se agelu; ua fa'amatala e le Esoto le mamalu o le Atua na iloa e Mose i le afi mumū i totonu o le la'au talatala ma na fa'ailoa atu i ai ma lona suafa (o le mea e le'i iloaina e Apera'amo).

I le taimi tonu o le tala'aga, o lo'o fa'amatala i tusitusiga a Tupu, sa fa'asalaina e le Atua Tavita ina ua agasala ma toe salamō; ma na mafai ona ia liliu ana taleni fai solo i se fua lelei fa'aleagaga, ona avea ai lea o ana Salamo ma vaega tutotonu o vivi'iga Kerisiano ma le poutū o le olaga fa'aleagaga a monaseri. O Perofeta, mai ia Amosa aga'i atu ia Malaki, ua vala'auina e toe amia mai tagata ina ia usita'ia le Atua sa latou fulitua atu i ai. Ae o la latou fe'au sa le amana'iaina, ona o fa'aaliga lavea'i a le Atua e masani lava ona te'ea. Ae mulimuli mai ai o le Alo o le Atua sa ia fa'ataunu'uina le fa'atalitali a Iutaia ma tagata uma, fa'aalia le natura o le Atua o se alofa, ma aumaia (i upu a Sagato Ioane) le ola, kalasia ma le moni. O le fo'ai fua a Keriso o lo'o fa'aauau pea ona faia e le Ekalesia na ia fa'avaeina, o lo'o tatala maia se faitoto'a e susulu atu ai lona malamalamā i le lalolagi o lo'o loto malō lava ma mana'ona'o i le pogisā.

E tasi le mea ua 'au tasi uma i ai Kerisiano, o Iesu na fa'ailoa mai ai le moni o le Atua. Ae ui i lea, o le manatu lenei sa tatau ona tu'ufa'atasia ai i tatou, na avea ma papa na vaeluaina ai le Ekalesia i Sisifo i le 16 seneturi. Ua fa'amaonia e Katoliko ni 'auala se lua o le Fa'aaliga, Tusitusiga Pa'ia ma Tala'aga a le Ekalesia; ua na o le Tusi Pa'ia ua fa'ailoaina e Porotesano ae ua fa'amasinoina le Tala'aga e fa'apea o mea na faia e le tagata ma e faigofie ona ulu atu i ai le lē fa'amaoni. I nei aso o le malamalamā i tala'aga o nei mea e lua, Katoliko ma le Porotesano ua maitauina o tusitusiga mai le Tusi Pa'ia sa lē

fa'amatalaina fa'atalatu'u le moni i tusitusiga, ma sa fa'aogā mai tala'aga fa'atalatu'u i le Fa'a - Iutaia ma na fa'asolo mai ai lea i Tala'aga Kerisiano na tu'u fa'atasia e nei Tusitusiga Pa'ia, sa tusitusia e Tamā ni fa'aupuga maumautū ma le matagofie. Ma ua tatou talisapaia le matafaioi ma le tāua a le sauniga i le fa'asaoina ma le fa'aleleia o le fa'ailoaina o le moni. O le tatalo tele o le Ta'utinoga o le Fa'atuatua "Naisia" ua tu'uina i totonu o le Misasa i le taualugaga o le Sauniga o le Upu, o se fa'ata'ita'iga sili lea o le Tala'aga *tusitusia*. E ui o lo'o fa'avae i "pasina pa'ia" e pei ona fa'augaina e Tamā, e lē o tusia i upu tonu a le Tusi Pa'ia; o taumafaiga a le tagata na tu'u fa'atasia e le Fono Aoao i Efeso i le 4 o seneturi a o tauivi le Ekalesia ma mau fa'aposetata na fe'ese'ese ai. I le malamalamā iā Katoliko o le Ekalesia i lona fa'atuatua fa'amaoni iā Keriso o lo'o fa'amaonia e le Agaga Pa'ia, o le Tatalo o le Fa'atuatua e mafai ona tatou fa'apea a'e o se vaega o le fa'aaliga a le Atua. Ae e ui o le Tatalo o le Fa'atuatua ma Tusitusiga Pa'ia e matuā tāua tele, e lē o upu ia o le 'autū o le talitonuga Kerisiano: A o ia o le *UPU*.

Talu mai le apokolifa i lona manatu autū o lo'o fa'asino lea i se taimi fa'apitoa o le moni na "tatala", o se fa'aaliga fa'ape-nei e mafai ona sau i se tasi e ala mai i tatalo, ma o lo'o iā i tatou lava tatalo a le Ali'i i Ketesemane ma taimi ae le'i toe fa'atūna Lasalo, o ni fa'ata'ita'iga e mafai ona fa'apea (LK 22: 40 – 3; Ioane 11: 41). O le faiga e sau ai e mata'utia e pei o fa'aaliga a lo tatou Ali'i iā Sagata Makerita Maria Alacoque i le 1673 ma lo tatou Tinā i Tamaiti i Fatima i le 1917. O le fesiliglia o le pule "totino" i se fa'aaliga ua fuafua lea i se malamalamā iā laua'itele i le fa'aupuga. O mea na va'aia ma fa'aaliga a le Ali'i ia Sagato Paulo ma mea na fa'alogi i ai o upu e lē mata'utua (2 Korinto 12: 1, 4); ae na fa'avae ana a'oa'oga fa'aaposetolo i tala'aga masani a le Ekalesia. O Fa'aaliga e masani ona sau i taimi e le mafaufauna e pei ona a'oa'o mai se tasi o faia'oga. E mafai ona sau e ala mai i se maitauina e pei o se teneititi e le atoatoa lona tino e pese i le 'aufaipese a lana palisi i lea tausaga ma lea tausaga; e ala mai i le Kofesio a o faimalaga i ni malologa i se gagana e lē malamalamā i ai se isi, mulimuli mai ai ma upu matagofie o le fa'amafanafanaga; po'o e ala mai ile tatalaina o le Tusi Pa'ia i taimi ua fa'aletonu ai le fa'atuatua i upu nei *O lana pule o le pule e fa'avavau lea e lē mavae atu ia* (Tanielu 7: 14). O Fa'aaliga e masani o se vala'au, o se folafolaga, ma o se meaalofa; ma o se mea e masani ona tatou "talia."

# AFOGA KATINALE JOHN DEW

## UŌ PELEINA



O vaitaimi fo'i lenei o le tausaga e o mai fa'atasi ai ositaulaga a le pule'aga ma ositaulaga o ituaiga e patipatia fa'atasi ma fa'aeaea i ositaulaga ua ausia latou Iupeli talu ona fa'au'u. O le aso i luma atu na matou potopoto ai e fa'amanatu le 65 tausaga talu ona fa'au'u ,Patele Pat McCann SM, Moseniolo John Carde, Patele Pat Maloney, Patele Earl Crotty SM ua ta'i 60 tausaga o latou fa'au'uga ma Epikopo Paul Martin (25 tausaga). Tatou te fa'afetaia ai le Atua mo na tausaga e tele o a latou 'au'aunaga i tagata o le Atua i 'aulala 'ese'ese.

Ua sili atu ma le 40 le 'au ositaulaga sa potopoto i le aso i luma atu mo se potopotoga ua ta'u Fa'apopototoga La'ititi a Ositaulaga. O le vaega muamua o le aso sa tomanatu ai i Lauga, pe fa'apefia ona matou tapena i ai, o a vaega e tatau ona i ai ma pe fa'apefia fo'i ona momoli. O le aoauli sa fa'apitoa i le mata'aga i le Sakalameta o le Fa'aleleiga, ae maise le 'ese'esega i le va o le Sauniga Muamua ma le Sauniga Lona Lua. Sa manaia ma tele le fesoasoani i le fa'atalanoaga o mataupu ia e lua fa'atasi ai ma fa'amatalaga mai iā Pope Farnisisi e uiga i lauga sa matou fa'asoa ai, fa'apea ni fa'anaunauga mai tagata o palisi.

Sa ou fa'asoa ma faife'au se tusitusiga sa ou faitau ai i le 1980 sa tele lona sao mo a'u pe a sauniuni mo se lauga. Fai mai: **O le tele o lauga i nei aso o "Lauga ua Taumafai malosi" Ua na o ta'u atu i tagata e taumafai ma fa'amalolosi. O le tu'itu'i mai pea i mataupu i le sesē ma le amiotonu ae lē o**

**le Tala Lelei ma e le fesoasoani lea i tagata o lo'o tauivi ma lenei olaga..."**O lo'o maitau mai e tagata o tatou uma ua fa'aeaaina ma o se matafaioi tele le momoli atu o se lauga i se 'aulala e talagātatau i olaga o tagata o le palisi ma avatu i ai le fa'amoemoe.

A tomanatu i le Sakalameta o le Fa'aleleiga ua tatou fa'asoa ma fa'atalatalanoa o tatou lava poto masani i Sakalameta ma pe fa'apefia ona tatou fa'aogaina lelei atoatoa Sauniga ua tu'uina mai e le Ekalesia iā i tatou. Ua matou iloaina fo'i le fa'aeaea ma le agaga maualalo ma le tatalo mo matou ona ua avea ma tagata fai Kofesio. I lena lava aso sa ou manatuina ai se tala sa ou faitau ai i tausaga ua mavae ua fesoasoani iā te a'u i a'u fo'i kofesio ma a'u o se fai Kofesio: "e le mafai ona tatou fa'apelepelea se manatu o le agasala, e tatau ona tatou talia ma fa'amaopo mai atoatoa le fa'amagaloga ma le alofa. O le lagonaina o agasala ma manatu fa'apea e le aogā i luma o le Atua o manatu ia o le manatu fa'apito ma le manatu lava ua na o 'oe; ua tatou avatu le fa'ataūa tele i o tatou tama'i tagata agasala ae galō ai lona alofa tele e le uma. E tatau iā i tatou ona talia lana olioli ma le ola ma le fa'amagaloina o tatou. O se kalasia o le fa'aleleiga le tu'uina atu o tatou tagata agasala i lona Alofa."

O le alofa lava o le Atua ma lona agalelei ua tatou folafolaina ma patipatia.

Ma fa'amanuiaga uma lava

+ Ioane

## FAITAU LE TUSI PA'IA

### Sefanaia, Hakai, Sakaria, Malaki Va'ava'ai i luma i le Feagaiga Fou

O Perofeta Laiti e fa (ma i le tele o tusi mulimuli a le Feagaiga Tuai) ua tele fa'aupuga ua faia e uiga i le fa'ato'ilaloina o Papelonua ma le toe Fa'afouina. Sa a'oa'o Safanaia i aso o Iosia, o le tupu aloa'ia mulimuli a Iuta: o lona maliu i le taua muamua i Amaketo na aloa'ia ai le i'uga o le sa'olotoga o Iutaia. Sa iloaina e Safanaia lea mea, "Ua fetalai mai ai le Ali'i, 'Ou te matuā fa'aumatia mea uma i le fogaele'ele' (1: 2). Ona o tagata lava a le Atua ua amio e pei o le 'au fa'apaua i o latou tua'oi o le a le fa'asao maia i mala o le a o'o mai.

Aemaise lava atali'i o le tupu o le a fa'asalaina – latou o atali'i lē aogā o Osia na mafua ai ona osofa'ia e le 'au Papelonua talu ai lo latou fa'alata, le taufa'avalea ma le lē fa'atuuatuaaina.. Ona i ai lea ma le folafolaga o le toe fo'i mai, "Ou te fa'atotoe i totonu iā te oe o le nu'u agamalu ma le mativa" (3: 12). Ona fa'ai'u ai lea o le tusi e pei o le tele o perofetaga, ma le folafolaga o le alofa o le Atua, "pe a ou fa'afosisia la outou tāfeaga, o outou o va'ai i ai".

O Hakai ma Sakaria e o fa'atasi, ona sa la a'oa'o atu a o fa'ataunu'uina le folafolaga. Sa fa'ataga e le 'au Peresia ona toe fo'i mai tagata Iutaia sa fa'aunu'ua i Jerusalema, ma na toe fausia le Malumalu. Sa fa'amanatu e Hakai i tagata e ao ona fa'aauau pea le toe fausiaina, ma le lapata'iga a leai o le a lē mau le seleselega.

Ae ui i lea mai le taimi na amata ai ona toe fausiaina, ma mautu ai ma le mau, ma sa maua ai le avanoa e le kovana o Serupapelua, e toe fa'avae ai le aigā tupu.

O Sakaria e tele ana tala sa fai e uiga ia Serupapelua, ma le ositaulaga sili, a o va'ava'ai i luma i le toe fo'i i faigamalō masani .Atonu na malamalamala lelei latou sa fa'alogi iā te ia i ana gagana "fa'apokalifa", ae o tatou e mana'omia ni fa'amatalaga ma ni fa'amalamalamaga, ae o le fe'au autū, e pei ona masani ai, fa'atuatua i le Atua, o le a ia va'aia e alu lelei mea uma. E le tau mate e pei o ana pa'aga o le vaitau lava lea o Ne'emua ma Esera, sa va'ai le perofeta i luma i se taimi o le a "ō mai fo'i nu'u e tele ma nu'u malolosi e sa'ili i le Ali'i o 'au i Jerusalema," ma le manatu matagofie o Iutaia ta'itasi o le a mafai ona latou aumaia ni tagata 'to'atinogafulu a'i gagana' fa'atasi ai ma ia i le Atua (8: 22 – 3). E o'o lava i fili sa latou feagai o le a 'amia e vivi'i atu i le Ali'i, le Atua o Israelu. Na vavalu e Sakaria le galuega tala'i a le 'au Aposetolo, lea na aumai i nu'u uma o le lalolagi le malamalamala ona fa'apefia ona maua e tagata Iutaia le fa'aolataga" (Ioane 4: 22).

Ona fa'ai'u lea ia Malaki, e leai ni aso ae pei o Hakai e talanoa mai i le faitaulaga mamana i le Malumalu ua toe fa'afouina. Afai e faitio ua le fa'atamāoagaina, e pei ona ia fa'amatala, ona o le agasala o le malepelepe o fa'aipoipoiga ua sosolo i le li'o o tagata o le Atua. Ae i le mataupu mulimuli lava ua ia va'ava'ai ai i luma i le fa'alavelave manino a le Atua i le lalolagi, pe a "sau fa'afuse'i le Ali'i o lo outou sa'ili i ai", ma o Elia o le a tamoe'e i luma atu o ia.

Ona uma ai lea o le Feagaiga Tuai, i le fa'atalitali mo le afio mai o le Ali'i.

## O MAREKO I FAITAUGA (*Fa'aauau mai lomiga talu ai*)

### O le vaitaimi e pei ona fa'amatala e Ioane: O Iesu o le falaoa o le ola

O faitauga na fa'amatala (lomiga talu ai), na mulimuli mai ai le fa'amatalaga o le fa'ateleina o falaoa (6: 31-44). I le taimi la lenei i le tala ia Iesu, e ui i lea, ua suia loa faitauga i le evagelia a Ioane mo le vaega lona fa o le tala a le tusi evagelia o lenei vavega o le fasagaina (6: 1 – 15) ma tala na mulimuli mai ai mo Iesu (6:24- 69, mo le vaitau o le fa vaiaso). O le fa'amatalaga a Ioane ua toe fa'amanatu mai ai le Salamo 23, ina ua fa'anofo e Iesu le motu o tagata i lalo le mutia (Ps. – ‘vao mu'a’); e le gata i lea o Iesu lava na fasagaina le motu o tagata, avatu i ai le ananoa'i o mea 'ai e pei ona manana'o i ai (cf.Ps.23:1 – e leai se mea ou te mativa ai'), ma le sefululua ato tutumu i mea'ai na totoe. O lea la na fa'amamafa mai e Ioane le matafaioi a Iesu o se Leleo Mamoe e agalelei ua aumaia le fa'ateleina o le ola.

I lana fa'amatalaga o le vavega o Iesu e Ioane ua fa'amatala o ia o le falaoa moni ua sau mai le lagi, le 'areto o le ola' (6:35). O Iesu o lē e fa'aalia le alofa o le Atua ma lē ua foa'ia maia le ola ona o ia o lē 'mai le Tamā (4: 46), le na fa'ailoa mai le Tamā (1:1, 18). O le mea lea, a tu'u i se fa'avae tāua lava, o Iesu o le areto o le ola ona na ala mai iā ia – e ala i lona liutino tagata, ola, maliu ma lona toetū – na foa'i mai ai e le Atua le ola.

Na fa'aauau e Ioane ma fa'amanino mai o le Eukalisitia o se fa'amanuiaga tele lenei e feiloa'i ma talia ai Iesu, o le areto o le ola (6: 51 – 58). O le Iesu a Ioane e fa'aogā ni fa'ailoga va'aia o le 'ai o le tino' ma le 'inu o le toto'. O le Eukalisitia o le mea 'ai moni lava, o se 'au ai moni fa'atasi i lona tino ua tofitofi ma le toto ua sasa'a mai, o lana taulaga o le alofa i luga o le koluse. I le toe fo'i i le tala o le fa'ateleina o falaoa, e tāua tele le auina atu e Iesu o le 'au so'o e toe ao mai mea 'ai na 'totoe.' O le upu na fa'aogā (*klasmata*), o le upu fo'i lea na fa'amatala ai nutinutiga o le Eukalisitia.

O le faitauga mulimuli ua tovā ai e Ioane (6: 60 – 69) o lo'o aofia ai sini na fa'alaua'itele ma fa'aatoatoa mai e le afa lona lua a le evagelia a Mareko. O le mea lea ua talafeagai ai le so'otaga iā Mareko e aunoa ma se motusia. O le sini muamua e so'ota'i lea iā Keriso. I le Ioane 6: 69 ua fa'ailoa mai ai e Peteru o Iesu o le 'Pa'ia o le Atua' – o lē mai le Atua ma o lo'o i ai le Agaga o le Atua, o le ua tu'uina atu e le Atua mo le galuega o le fa'aolataga. Tatou te va'ai fo'i e fa'aigoa e Peteru Iesu o le 'Mesia,' o le e fiai pea lava o mea lelei ile Atua, Mareko 8.29, e ui e le malamalama atoatoa Peteru i le uiga loloto o lenā tala. O le sini lona lua o le lu'itau o le fa'aso'oina. E pei ona fa'ailoa mai le vaega o le 'ala' i le evgaleia a Mareko o se fa'aupuga e faigatā (Ioane 6: 60), e to'atele e lē taliaina.

### O le 'vaega o le ala'

O le 'vaega o le ala' a Mareko (8:22 – 10: 52) e femilosa'i lona fa'atulagaina aga'i i valo'aga e tolu e uiga i le puapuagā a Iesu (8: 31; 9: 31; 10: 33 – 34). E soso'o mai i valoa'aga o pasio ta'itasi se va'aiga mai le 'au apostolo o lo'o ta'u mai ai le lē malamalama: Na vavao atu e Peteru iā Iesu ina ua fa'aali e Iesu e tatau ona puapuagatia ma maliu (8:32); na fefifinai le au so'o po'o ai o latou e sili (9: 33); o Iakopo ma Ioane ua 'ai'oi atu iā Iesu e nonofo i autafa o Iesu ma le manatu o Iesu o le a ulufale atu i Jerusalema o se mamalu fa'amesia (10: 35-37). O le lē malamalama i mea o lo'o fai mai ai Iesu e uiga i lona puapuaga ma le maliu o lo'o foufou mai na maua ai ma le avanoa a Iesu e a'oa'o atu ai le loloto o le uiga o le mulimuli iā te ia.

E pei ona maitauina muamua, o le fa'amatalaga a Mareko o Iesu i le afa muamua o lana evagelia ua fa'ailoa mai ai le malosi

o ana upu ma galuega e fo'ia ma fa'ato'ilalo i malosi'aga o lo'o tete'e i le aumaia o le malō o le Atua. O le mata'aga autū la ua aga'i i le malosiaga a Iesu, ua ta'ua o le malosi e mamana o lo'o galue e ala i lona puapuagatia ma le maliu e maua mai ai le ola. Na fa'aali e Iesu o ia o le Alo o le Tagata e tatau ona puapuagatia ma fasiotia, ona toe fa'atuina lea mai le oti. Ona o le Alo o le Tagata, ua sau ina ia 'aua ne'i 'au'auna atu i ai, ae ia 'au'auna atu ma foa'i lona ola o se 'totogi' mo le to'atele (Isa 53: 11 – 12). Ina ia mautinoa o le Iesu a Mareko o le Alo fo'i o le Tagata na fa'amamaluina o le a toe fo'i i lona mamalu e aumaia le atoaga o le fa'aolataga. Ae le o se mea fa'afuase'ia le aumaia e Mareko o se sesē muamua fa'aletagata o le fa'ailoa o Iesu i le taimi o lona maliu: "E moni o le Alo o le Atua lenei tagata (15: 39). I le evagelia a Mareko ua malamalamaina leleia o Iesu o se Mesia puapuagatia.

O le a le uiga o le avea ma ē e mulimuli i se Mesia? Na a'oa'o Iesu i ona so'o ina ia tauave o latou satauro, fa'amaumau o latou ola ona o ia (8: 34 – 35). I nisi o fa'aupuga aua ne'i sa'ili le ola i mea e manatu e maua i ai – o le 'oa, pule, ma le ta'uta'ua – ae i le mulimulita'i i ala a Iesu - alofa fua, o se auala e a'afia ai latou e tete'e ma le puapuagatia (10: 38- 39). O se fa'aaliga mausalī o lenā alofa o le a'oa'oga a Iesu iā i latou ua mulimuli iā te ia ia avea ma 'au'auna i isi, e o'o – lava – ae maise – i latou ua i le taufa'a'si'us'i'u o le sosaiete. I le faia fa'apea, ua mulimuli le 'au so'o i 'aula a le Alo o le Tagata na sau e 'au'auna. O le a "ali'i ta'i i latou" ae le pei ona iloa ai e le lalolagi nei (10: 42 – 44).

O le 'vaega o le ala' ua tu'uina mai ai 'aula mautū o se faiga fou o le vala'au a Iesu i le fa'aso'oina ina ia fa'atulafonoina. O lana tali i le fesili e uiga i ulugali'i tete'a (10: 1 12), i se tasi o manatu, ina ia fa'ailoa le manatu a le 'au pateliaka e lē fa'avaea i ni manatu lelei fa'apea le lē faimea tonu i fafine. I le isi manatu o ana a'oa'o ile pa'iaga ma le tausiga o folafolaga o fa'aipoipoiga ua lu'itaunia ai ulugali'i ma aiga ina ia ola ai i fa'atonuga a Iesu e alofa atu, talia ma 'au'auna atu le tasi i le isi i totonus o a latou aiga. O le tala e uiga i se ali'i talavou mau'oa (10: 17-22), i se tasi tulaga, o tala mata'utia e uiga i se tagata ua ulufia e ana 'oa ma ua lē taliaina le vala'au a Iesu e mulimuli atu iā te ia. O le isi tulaga o le vala'au i le fa'aso'oina ia fa'aoga e ala i le fa'aogaina o mea uma ua maua e se tasi – oloa, o mealofa ma taleni – e alofa atu ai ma 'au'auna atu i isi, aemaise le 'au matitiva.

O le 'vaega o le ala ua si'omia e tala e lua o le fa'apupulaina e Iesu o le ali'i tauaso. O le tala muamua na taumafai ai Iesu e fa'amalolo se ali'i na va'ai ae le'i atoatoa (8:22 – 26), ua fa'ailoa mai ai le faigatā iā i latou e mulimuli iā te ia ona maua i le taliaina o se Mesia puapuagatia ma ana a'oa'oga o le fa'aso'oina e a'afia ai ma le ala o le koluse. O le mea lea, o se vaega tāua o le 'fa'atasi ai' ma Iesu o le tu'uina atu lea mo ia ina ia ave'eseina 'aula ua tatou tauaso ai po'o auala ua tatou te'ena ai lona ia fa'aalia mai ma le vala'au mai ina ia tatou mulimuli atu iā te ia. O le tala lona lua, o le fa'apupulaina o mata o Patimaio (10: 46 – 52), o le na toe va'ai ma na mulimuli atu iā Iesu 'i le ala' – o le 'ala lea 'i Jerusalema le nofoaga e puapuagā ma maliu ai Iesu, ma o se fa'ailoga, 'i le ala 'aga'i atu i se fa'aso'oina moni....fa'aauau atu i pea....

## O LE FALAOA O LE OLA

I le toe manatunatu i tua a o tatou tuputupu a'e i o tatou aiga, o se tauloto masani a matua, o matua o matua ma nisi o aiga e una'ia ma fa'amalosia i tatou e 'au atu i Misasa i taeao i o tatou nu'u. O le tele o tatou a o laiti o se tauiviga lenei mea ona e leai se isi e fia alu 'ese mai le mafanafana o moega ma le moe lelei. O lenei ua tatou malamalamama lelei i le tāua o le Eukalisitia, tatou te fa'afetaia ai le fa'atauanau o nei matua ma tua'a mo le galuega alofa.

### O se Folafolaga

Fai mai Iesu, "Fa'auta fo'i, 'ou te iā te outou i aso uma lava, e o'o lava i le gata'aga o le lalolagi. (Mataio 28: 20). O se folafolaga matagofie tele lea. E fa'atasi pea ma i tatou, i taimi lelei, i taimi leaga, i le ma'i ma le maloloina, mai taimi na tatou fananau mai ai se'ia taunu'u i le i'uga. E fa'apefea la ona mafai lenei mea? O se tasi o auala, e ala mai lea i le mea alofa o le Eukalisitia.

### Falaoa Ola

Na fai atu Iesu i ona so'o, "O a'u o le areto ola na alu ifo mai le lagi. Pe a'ai se tasi i lenei areto, ona ola ai lea o ia e fa'avavau, o le areto fo'i ou te avatua, o lo'u tino lea, ou te avatua mo le ola ole lalolagi" (Ioane 6: 51). O lenei mea na nenefu ai le to'atele o latou sa mulimuli iā te ia, ae ua tatou va'aia nei na fa'ataunu'uina e le Eukalisitia. Fai mai Sagato Maximilian Kolbe, "e afio le Atua ma tatou, i le Sakalameta Pa'ia o le aletale. Afai e loto leaga agelu i le tagata, ua tatau ai mo le mafua'aga e tasi: "Komunio Pa'ia." Le Ali'i o le vateatea, e vivi'i i ai agelu, ua foa'i mai o ia lava mo tatou, na o ni tagata. Ona o lona alofa tele mo i tatou, ua ia ofoina mai ai lona Tino, toto, agaga ma le mamana i le Eukalisitia. O se fa'amanuiaga lenei. E mafai ona tatou avatu o tatou fa'afitauli ma mafatiaga uma i le Ali'i i le Sakalameta Pa'ia. E fiafia Iesu e fa'alogo mai ia i tatou, o se uō e fa'amafanafana. Na te fa'amalosia i tatou pe a tatou vaivai, fa'atasi ma i tatou pe a tatou ta'ito'atasi, e o'o lava i le fa'atasi ma tagi ma i tatou pe a tatou fa'anoanoa.

### Tapua'iga o le Eukalisitia

Fai mai Pope Ioane XXIII, "ina ia taofi mai a'u ma le agasala ma le sesē 'ese mai ma ia, ua fa'aogā e le Atua tapua'iga i le Finagalo Pa'ia o Iesu i le Sakalameta Pa'ia. O le Finagalo o Iesu ou te alu i ai mo ni tali o fa'afitauli uma." Na fa'alaua'itele e Sagato Ioane Paulo II fa'apea, "O le Ekalesia ma le lalolagi e i ai le mana'o tele mo tapua'iga fa'a-Eulaisitia. E fa'atalitali mai Iesu mo tatou i lenei sakalameta o le alofa. Ia maua ni taimi tatou te o atu ai ia te ia i tapua'iga, mo tomanatuga e tumu i le fa'atuatua ma tatala o tatou tagata i le salamō mo sesē ma soli tulafono o lenei lalolagi

### Sauniuniga mo le Misasa

E tāua le sauniuni lelei mo Misasa ta'itasi. O se taimi tāua ma le pa'ia pe a tatou talia Iesu i le Eukalisitia Pa'ia ma e tatau ona tatou tausia se agapogi fa'a – Eukalisitia ae le'i amata le Misasa ma talosaga mo se fa'amagaloga mo a tatou agasala i le taimi o le sauniga o le fa'amagaloga i le amataga o le Sauniga. Ua a'oa'o mai le Ekalesia so'o se isi o lo'o silafia sana agasala mamafa e tatau ona taliaina le Sakalameta o le Fa'aleleiga ae le'i taliaina le Komunio Pa'ia.

### O Fua o le Komunio Pa'ia

Aiseā na ofoina mai ai e Iesu o ia lava mo tatou i le Eukalisitia? Ua sau e fa'amagalo a tatou agasala ma fa'amalosia i tatou ina ia tatou aga'i atu i se olaga pa'ia. I le Komunio Pa'ia ua tatou latalata ai fo'i i le Atua ma tu'u fa'atasia ai ma le Ekalesia, le Tino o Keriso i le lalolagi nei ma tagata pa'ia o lo'o i le lagi. O le Eukalisitia o le falaoa o le ola ua tatou maua mai ai le mea'ai fa'aleagaga ma aumai ai i tatou i se ola fou iā Keriso. A tatou taliaina le Komunio Pa'ia ma le fa'atuatua ma le fa'amaoni, o le a suia ai o tatou olaga ma avea ai i tatou ma tagata e mana'o i ai le Atua.

### Ō, Ua Auina Atu i Le Lalolagi

Talu ai nei sa tu'uina mai ai e Pope Faranisi ni a'oa'oga i le Eukalisitia. Fai mai o ia, "O aso Sa ta'itasi ua tatou ulufale atu ai i le manumalō o Keriso i le agasala ma le oti, ma i le mana o le Agaga Pa'ia, ua tatou maua ai se fa'asoia i lona ia lava ola. I le fa'atinoina o le misitelio o le paseka a le Ali'i, o le Eukalisitia ua fa'amalosia i tatou e avea ma molimau, e pei o le 'au maletile i aso ua tuana'i, i lona manumalō i le oti ma alofa atu i isi e pei ona ia alofa mai, ma avatu fua i tatou mo lo latou lelei." Ua foa'i mai e Iesu o ia lava i le Eukalisitia ina ia mafai ai ona tatou avatu lona alofa i le lalolagi ma fa'asoia atu iā i latou e i ai le mana'omia i le fa'aleagaga ma le fa'aletino. E lē na o se mea alofa mo tatou, ae mo le fa'apa'iaina ole lalolagi atoa, o le ala lea i upu fa'ai'u o le Misasa e 'Ō atu' - iā i latou e lē iloaina Iesu.

### O le la'asaga muamua

Ona o Kerisiano, 'o le fa'atuatua ua tatou savavali ai, ae lē o le tino mai o mea (2 Korinito 5: 7). Na fa'amatala e Sagato Aukusitino e fa'apea, "O le fa'atuatua ole talitonu i mea ua tatou lē va'ai i ai, ma ole taui mo lea fa'atuatua o le va'aia o mea ua tatou talitonu i ai." O le la'asaga muamua o le la'asaga o le fa'atuatua. A tatou talia Iesu i le Eukalisitia Pa'ia, tatau ona tatou fai atu, "Fa'afetai le Ali'i e, ua ou talitonu ua e sau iā te a'u," ma o le a suia mālie ai o tatou olaga.

## **VI. VAIVAI LE TALI ATU**

53. O nei tulaga ua mafua ai e le tuafafine o ele'ele, fa'atasi ai ma mea uma e tu'ulafoaia e lo tatou lalolagi, e uiō mai, ma `ai'oi ina ia tatou uia se isi auala. Tatou te le'i so'ona tigā ma leaga tausiga i o tatou lava lotofale masani e pei ona tatou i ai i le lua selau tausaga mulimuli nei. Ae ua vala'auina i tatou e avea ma mea faigaluega a le Atua lo tatou Tamā, ina ia avea le tatou paneta e pei ona ia finagalo i ai ina ua ia foafoaina ma fetaui ma lona fa'amoemoe mo le filemu, le matagofie ma le lelei ato'atoa. O le fa'afftauli, o lea lava o lo'o tatou ausage i le aganu'u e mana'omia e fa'afetauia lenei fa'afftauli. Tatou te oge i ta'ita'iga e mafai ona tāina ni auala fou ma fa'afeiloa'i atu i mana'oga o le taimi nei fa'atasi ai ma le popolega o tagata uma e aunoa ma le afāina ai o tupulaga lalovaao. I le fa'a-vaeina o se tulafono fa'a-'āuirvi e mafai ai ona fa'amanino tuā'oi ma fa'amautinoa ai le puipuiga o meaola fa'alenatura ua fa'atuatuana'i; 'a le'o lea, o le malosiaga o faiga fa'avae fou ua fausia i luga o tekonomosi tau tamaoaiga feso'ota'i o le a mafai ona puleaina ua le gata i a tatou faiga fa'apolokiki ae fa'apena foi le sa'olotoga ma le amiontonu.

54. E ofoofogia pe fa'apefea ona vaivai tali fa'apolokiki fa'a-va-o-malo. O le fa'atamāla o le fa'atumutumugia o le lalolagi i le siosiomaga ua fa'amanino ai o a tatou faiga fa'apolokiki ua 'auga i tekonomosi ma tupe. E tele na'uā fa'ananauga fa'apitoa, ma o fa'ananauga tau tamaoaiga e faigofie ona muta i le manumālō i le manuia lautele ma lēsagatonu fa'amatalaga ina ia lē afaina ai latou lava fu'afuaga. Na augani le *Tusi-fa'ailo o le Aparecida* e fa'apea, "o fa'ananauga a vaega o le fefā'ataua'iga lea e noa le tofā e talepe fa'apogai o le ola, e lē tatau ona manumālō e feagai ma tamaoaiga fa'alenatura." O le feso'ota'iga i le va o le tamaoaiga ma le tekonomosi e i'u ina fa'a-autafauma ai so'o se mea e lē fetaui ma pi'itaga o ona mana'oga. O le fa'apogai e muamua lava maitauina fa'amatalaga susua fa'a'ole'ole, o amioga talalautasi o le alofa tula'i ma fa'aupuga papa'u i popolega mo le si'osi'omaga, ae o so'o se taumafaiga lelei lava a vaega ia e totonu o le sosaiete e fa'alauioloa suīga e iloilo au'ilili o se fa'asōesā e fa'avae i mitifafau faivavale po'o se pupuni e 'alo i ai.

55. O nisi atunu'u o lo'o fa'asolosolo malie le alulu i luma, i le fa'atupula'ia o atina'e o pulega tatau e aogā ma galulue e teēna faiga palapalā. Atonu o le a manuia le fa'atupula'ia o tagata e amana'ia le si'osi'omaga, ae peita'i, e le'i manuia i le suiga o a latou masaniga mata'utia i le fa'aaogaāga, lea e sili atu nai lo le fa'aitiitia, ma e foliga mai o lo'o fa'atupula'ia pea. O se fa'ata'ita'iga faigofie o le fa'ateteleina o le fa'aaogaāga ma le malosiaga o ea'fa'amalūlū. O maketi, lea e vave manuia mai fa'atau, e fa'aosofia ai se fa'amalosiga sili atu. O le tilotilo a se tagata ese i lo tatou lalolagi o le a maofa i nei amioga, lea e foliga mai i nisi o taimi e talepe e le tagata lava ia.

56. I le taimi nei, o malosiaga tau tamaoaiga o lo'o avea pea ma fa'amaoniga o tulaga o faigamalo i le lalolagi, lea o lo'o ave ai le fa'amuamua i suffigāmanatu ma le sa'iliga o tupe maua, lea e lē mafai ona amanaia se fa'amatalaga, ae ta'atia ai pea lea a'afiaga o tamā'ali'i'aga o le tagata ma le si'osi'omaga fa'alenatura. O lea ua tatou va'ava'ai pe fa'apefea ona fa'aleagaina le si'osi'omaga ma tagata fa'apea amiōga fa'alumaina e felātai so'otaga. O le to'atele o tagata e te'ēna le latou faia o se mea sēsē, auā a lapelapea,

ona tumau ai pea lea o le noa o lo tatou malamalamā'aga i le mea sa'o e tusa ai ma tapula'a ma le lētumau o le tatou lalolagi. E tusa ma se fa'ai'uga, "so'o se mea lava e pala, e pei o le si'osi'omaga, e lē fa'amuamua le malupuipuia nai lo le naunauta'iga i se maketi fa'amemelo, lea e avea ma tulafono tūtasi."

57. E ono mafai ona iloa e fa'apea, a mae'a ona fa'aaogaina nisi o tamaoaiga, o le a alia'i ai se va'aiga o ni vevesi fou, e tusa lava pe lē tapā ni aga tautupu. O taua e masani lava ona afaina tele ai le siosiomaga ma 'oa fa'aleaganu'u a tagata, o tulaga lamatia e fa'alauteleina ai pe a manatu se tasi i a'upega fa'aniukilia ma a'upega o'ona fa'ameaola. "E ui lava i maliliega fa'a-va-o-malo e fa'asāina ai vaila'au o'ona, su'esu'ega o siāma ma le manuia tau meaola, o suesuega fa'asaienitisi e fa'aauau pea ona atia'e ai a'upega fou mo puipuiga e mafai ona suia ai le fa'apalenīga o le natura." O faiga fa'apolokiki e tatau ona sisila toto'a le va'ava'ai i fete'ena'iga fou ma fa'ailoa mafua'aga e ala ai ona fa'apogai. Ae ona o le malosiaga o fa'ananauga i mea tau tupe ua fa'amaonia le sili atu ona fa'ataute'e i lenei taumafaiga, ma o fuafuaga fa'apolokiki e manatu e le lava le tofāmamao. O le a se mea na te fa'atosina so'o se tagata, i lea tulaga, ia taōfiofia pea le malosiaga, ae ia manatua lo latou lē agava'a e fa'atino se mea pe afai e mana'omia fa'anati ma ono tatau ona faia?

58. I nisi atunu'u, o lo'o i ai ni fa'ata'ita'iga lelei i le fa'aleleia o le si'osi'omaga: vaitafe, le fa'aleagaina mo fia sefulu o tausaga, ua uma ona fa'amamāina; o vaomatua i fanua fa'ale-aganu'u ua toe fa'aleleia; laufanua ua toe fa'amatalagofieina, fa'afetai mo galuega toe fa'aleleia o le siosiomaga; fale matagofie ua fausia; fa'agasologa ua fa'atino i le gaosiga o le eletise e leai ni a'afiaga tugā ma le fa'aleleia atili o fela'ua'iga lautele. O nei fa'aleleiga e lē foia ai fa'afftauli fa'alelalolagi, ae ua fa'aalia ai o alii'i ma tamaitai o lo'o agava'a pea i fefā'assoaā'iga lelei. I o tatou tapula'a uma, i le fa'atinoga o le limafoa'i, le lotogatasi ma le tausiga, e lē mafai ona lelei pe a lē manuia i totonu o i tatou lava, talu ai, ona na faia i tatou mo le alofa.

59. I le taimi lava e tasi e mafai ai ona tatou maitauina le alia'i mai o se mea e lē moni po'o foliga papa'u o le siosiomaga lea e lagolagoina e uiga faufualuga fa'apea mitamitaga lē fa'autauta. E pei ona masani ona tupu i vaitau o le ogaoga o vevesi lea e mana'omia ai fa'aiuga lototoa, ua fa'aoosooina i tatou e mafaufa i mea o lo'o tutupu ae le'o manino atoa. E le o mautinoa lelei, e 'ese mai nai lo fa'ailoga manino o le filogia ma le fa'aleagaina, e lē foliga mai o ni mea e tugā, ae o le a fa'aauau pea le paneta pei ona i ai mo sina taimi. I lea femoumoua'iga e avea pei o se laisene tatou te fa'aauau ai pea ituaiga olaga o lo'o i ai nei fa'apea fa'atinoga o ituaiga gaōsiga ma le fa'aaogaāga. O le auala lenei ua fuafua tagata e fafaga ai lo latou lava fa'atafunaga leaga: e taumafai e 'aua ne'i iloaina i latou, e taumafai e 'aua ne'i fa'alaui-loaina, le tosaina o fa'aiuga tāua ma fa'alagi e leai se mea e tupu.

**e fa'aauau pea..fa'aliliuina: Falefou Sio**

## "IA OUTOU OLIOLI MA FIAFIA" (GAUDETE ET EXSULTATE)

### O LE TUSI FOU LENEI A POPE FALANISISI E UIGA I LE OLA PAIA: I ANA UPU AUTŪ E 15.

I le tatou lomiga talu ai na fa'asalalau atu ai ulua'i upu autū muamua e 9, ae o upu autū mulimuli nei e 6 mai i le *Gaudete et Exsultate*.

**Upega Tafā'ilagi** (n.155): E mafai foi ona maua ia Kerisiano i auaunaga o feso'otaiga i upu e ala i initaneti. E o'o lava i fa'asalalauga a le Katoliko, o tapula'a ua mafai ona fesopoa'ia, le fa'amanū'alia ma le taufa'aleaga ua mafai ona avea ma nofoaga masani, ma o tulaga uma fa'aaga-i-fanua ma le fa'aaloalo mo le igoa lelei o isi e mafai ona lafoa'i. O le taunu'uga o se fa'ata'ita'iga og-aoga, talu ai o mea e mafai ona tautalagia i ai o le a le talileleia i upu fa'alaua'itele, ma e sa'ili tagata e totogi lo latou lava lē fiafia e ala i le upuvale atu i isi tagata.

**Fa'aūtaga** (n.100,101): Ou te fa'anoanoa ona o mafaufauga e tata'i atu i ai i tatou i taimi i ni mea sēsē se lua. I le tasi itu, o lo'o i ai le sēsē o nā Kerisiano o e vavae'ese nei Evagelia mai a latou lava so'otaga ma le Ali'i, mai le tatala i lona alofa tunoa. O le Kerisiano e avea ma se ituaiga o NGO na ave'esea ai le malosi o le fa'amisitelio. O isi tugā fa'amatalaga sēsē e maua ia i latou o lo'o latou masalomiaina le fegalegalea'iga lautale o isi, peisea'i o ni mea papa'u, fa'alelalolagi, fa'alaua'itele, fa'aletino, fa'akominisi po'o sui o tagata lautale.

**O e matitiva** (n.96, 97): I lenei vala'au ia iloa o Ia i e matitiva ma mafatia, ua tatou va'aia le fa'aalia i le finagalo o Keriso, ona lagona loloto ma ana filifiliga, lea e taumafai so'o se sagato e fa'ata'ita'i. Ua tu'uina mai nei manaoga e lē fa'amalosia e Iesu [e fesoasoani ai ia i latou e sili ona manaomia le fesoasoani], o lo'u tiute o le fesili

i Kerisiano ina ia latou amanaia ma talia i se agaga matafa'amaoni, e aunoa ma se tomumu. I se isi fa'aupuga, e aunoa ma ni "pe afai po'o ni ae" e ono fa'aitiitia ai lo latou malosiaga.

**Tagata ulufale/faimalaga mai** (n.102, 103): E masani ona tatou fa'alogi i fa'amatalaga e fa'apea, tulou e tusa ai ma le fa'atusatusaga ma le fa'aletonu o le tatou lalolagi i le taimi nei, o le tulaga o tagata faimalaga, mo se fa'ata'ita'iga, o se mataupu maulalalo. Na o le pau lava le uiga lelei [mo se Kerisiano] o le suluina o se'evae o nai o tatou uso ma tuafafine o e ua lamatia o latou ola e ofoina atu se lumana'i i latou fanau. Pe le mafai ea ona tatou iloa o le mea tonu lava lea e finagalo Iesu ia i tatou, ina ua Ia ta'u mai ia i tatou o le taliaina o le tagata ese ua tatou talia o Ia? E le o se manatu na mafua mai i nisi o Pope, po'o fa'aiilo suia fa'afuase'i.

**Tagata Faigofie** (n.108): O le sa'ili i le fa'amalieina o tu'inanau ma le aiā i le fa'aaogaina e mafai ona fa'amaonia lo tatou to'ilalo, auā o le a tatou popole lava na'o mea tatou te fiafia i ai, ma i'u ai ina tatou popole na'uā e uiga ia i tatou lava ma a tatou aiā. O le a faigata ia i tatou ona lagona ma fa'aalia so'o se popolega moni mo i latou e mana'omia le fesoasoani, se'i vagana ua mafai ona tatou tōtōina se ituaiga olaga faigofie, o le te'ēnaina o manaoga a'āsa o le sosaiete fa'aaoga.

**Malosiaga Fa'amisionale** (n.129, 130, 131): O le Ola Paia e lototoa, o se naunauta'iga e folafola atu le talalelei ma tu'ua se fa'ailoga i lenei lalolagi. Ua ofo mai e le Ali'i ia i tatou e fa'ama'imau o tatou ola i lana feau. Tatou te vaivai, ae tatou te umia se mea'lofa e mafai ona sautualasi ai i tatou ma avea ai i latou o e taliaina ia sili atu ma fiafia. O le malosiaga ma le lototele fa'a Apostetolo o se vaega tāua o le misiona.

(Fa'aliliuina: Falefou Sio)



Ofisa Autalavou  
2018

Pres: Thomas Nanai

Vice: Lina Paulo

Sec: Faleseu Muavae

Trea: Thomas Smith

## THEOTOKOS – MARIA LE TINĀ O LE ATUA

I le mae'a o le lima o seneturi, o le fa'anaunauga a Matini Lukelu sa i ai o le "ave'esea atoa lea o faigā tapua'iga ma vi'iiga iā Maria ona o le so'onafai ma le lē fa'aaloalo ua tula'i mai ai," i le tele o va'aiga ua taunu'u lava ia faiga. Ae ui i ia fa'afituli e lē mafai ona tatou tia'ia o ia; ona o ona vi'iivi'iga ua mau a'a i a'oa'oga a le Ekalesia. O le mea lea e mafai ona toe fa'afou, ma o le fesoasoani tele i lona toe fa'afouga fa'aleaganu'u o le fa'amanino lelei lea fa'atelosia. Ona tatou toe fo'i lea i le taimi na mua'i a'oa'o ai e le Ekalesia pe fa'apefea ona tatou tautatala e uiga ia Maria.

Ia Tesema o le tausaga 428, o se ositaulaga e igoa iā Proclus i sana lauga ta'uta'ua na vivi'i ai Maria o le *Theotokos* ("O ia na fanaua le Atua"). E ui o lenei fa'aupuga sa fa'aoga mai i seneturi ua tuana'i, o le sa ta'ita'ia le sauniga, o Pateriaka Nestorius, sa lē fiafia. O Nestorius na fanau i Peresia ma sa a'oga i Anitioka ma tuleia malosi le itu tagata o Keriso ma fa'amanino lelei mai le va o le Upu a le Atua ma le tagata o Iesu Keriso. Fai mai o ia e suia Thetokos – Maria le Tina o le Atua, i le *Christological* – "Maria na tauavea Keriso." Ae o lenei faiga e mana'omia se toe su'esu'e i le tagata o Iesu, ma o le a tutupu mai ai nisi fa'afitauli. O nei fa'amatalaga na o'o atu i le 'a'ai o Alexandria, o lo'o nofo ai se epikopo e suafa ia Sililo na finau malosi ma tete'e atu i lea mau ma o sē ua puipui i le fa'alagiga o Maria – *Theotokos*. I le mae'a o le Fono Aoao i Efeso na fa'amanautū ai le finauga, na folafola ai ma ulua'i a'oa'oga o Maria: o Maria o le theotokos – le Tina o le Atua ona na fanaua le Upu Liutino, o le Atua lea. O Tinā e fanau maia tagata, ae le o natura: o ia la o le Tinā o le Atua.

O le Fono Aoao i Efeso na fa'amanino lelei mai ai iā i tatou le fatu o a'oa'oga ma tapua'iga ia Maria. O Maria o le moni fa'amataupu tau ia Keriso. O lona mafuaga muamua i lona ola fa'akalasia ole tauavea lea o le galuega a le tinā mama-

na, ia avea ma *Theotokos* – Tinā o le Atua. I le ogatotonu o le tala fa'asolopito ole fa'aolataga, sa ia tali mai ai i lona taliaina ina ia 'au ai i lenei fuafuaga mamana. O vaega lelei uma o lona olaga, o le fa'aeaea ma vi'iivi'iga ua avatu ia te ia, ua tafe mai i lenei galuega tāua. E le'i soifua mai mo ia lava, ae ia fanaua le Alo o le Atua; o lea ua fa'aeaea ai e le mo ia lava, ae mo le vi'iiga o le Alo o le Atua.

O le tusi tala mai le seneturi lua o Tertullian na tu'ufa'atasia fa'aupuga *caro est cardo salutis* – "o le tino o le fa'amau lea o le fa'aolataga." O le molimau a Kerisiano ua fa'amau lea i le tulaga na atoatoa ona tau'ave e le Atua le natura tagata. O le mafua'aga lea e le fa'ate'ia ai, i ulua'i seneturi ina ua puipuia lenei a'oa'oga, o le fafine na fanaua le tino o le a avea ma se mataupu mo ni talanoaga. Ae o Maria e lē o se fa'amataupu fa'a – Keriso; o ia o le malosi autū ua pui-puia le fa'amau tonu o le fa'aolataga. A aunoa ma Maria, o le tagata o Iesu Keriso ua na o se manatu, ua fa'āta maia le tino, e pei ona fai mai ai Aukusitino, "e le moni".

A o tatou pasia le lima selau tausaga o le fa'amanatuina ole Fa'afouina, tatou te toe manatuina o le *Theotokos* ua na aumaia e le gata o le manatu autū o le fa'augaina i le seneturi lima o fa'aletonu o mataupu fa'a – Kkeriso, ae o se pou - fa'ailoga mo lo tatou fe'ese'esea'iga fa'atalitonuga i nei aso. E pei ona tusia e Sagato Ioane Paulo II, o le *Theotokos* ua "fa'ailoa mai ai le lelei atoatoa o le uiga o le fafine, o le tulaga tau fafine." Ua nā o le fa'ata'ita'iga fafine o le *Theotokos* ua mafai ai ona tatou malamalama atoa iā i tatou lava o ni foafoga, malamalama atoa o Keriso o le Atua – tagata, ma i le talia ma le agamalū, ulufale atu fa'amaoni i le tatalo a Keriso ina ia tasi i latou uma.

## SAKALAMETA

### O le Piliota Fa'apatieliata (*pe tusa ma seneturi 2 – 6 CE*)

Toetoe lava o le 'au tusitusi Kerisiano o le vaitaimi e pei ona ta'ua i luga, o epikopo, e masani o ni tagata pito sili le a'oa'oina lelei inā aso. Sa ta'ua i latou o 'Tamā o le Ekalesia', o *pateres Eleni*; le mafuaga o le upu pateliaka (patristic). I lo latou ta'ita'iga na tuputupu a'e sakalameta o ni sauniga fa'afa'iloga, ma se ulua'i taumafaiga e fa'amatala fa'afilosofia.

O Tertullian, sa tusitusi e tusa ma le 210 CE, na amata ona fa'aogaina le upu *sacramentum* e fa'amatala ai le fuafuaga Kerisiano o le fa'aulufale. Sa ia so'ota'i le 'ola fou' o le Kerisiano ia Keriso ma le ola fou o le tautōga sa faia e fitafita Roma ina ua ulufale atu i le vaega o fitafita. I le tolu o seneturi ua fa'aogaina e le 'au tusitusi Latina le upu lenei e fa'amatala ai sauniga Kerisiano ma le upu *mysterion* e fa'amatala ai misitelio o le fa'atuattua.

A maitauina, o nei upu i le gagana Eleni ma le Latina o lo'o fa'aogaina e fa'amanino ai o le *sacramentum* (*sacramenta*

pe a tele) e pei ona fa'aoga i le vaitau anamua sa i ai sona uiga fa'alaua'itele i lo le upu sakalameta i aso nei i le fa'aogaina e le Katoliko. E mafai fo'i ona fa'amatalaina nisi o sauniga a le lotu fa'apea ni vaega tāua o se sauniga.

O le taofi o le sakalameta o se fa'ailoga o le fa'ataunu'uga, o se faiga e mafai ona fa'ataunu'ua mea ua ia fa'ailoa maia, o se fa'ata'ita'iga e galue mai le Atua e ala mai ai, sa taliaina o se mau fa'atelosia i lena taimi. O le taunu'uga o sakalameta 'ese'ese sa lagonaina o ni taunu'uga moni; sa iloa, va'aia ma molimauina e isi. E ala i le fa'aulufale i le aiga Kerisiano, sa suia ai lava tagata. Sa amio 'ese mai ai, sa 'a'ai fa'atasi ma manatuina Iesu ma na avea lea ua pei ai o latou amio o Iesu. O nei masani na moni, ma na tuputupu mai ai le talitonuga o nei sauniga ma tāga (*sakalameta*) na tatau ai mo le fa'aolataga.

I lenei lava vaitau sa tula'i mai ai ni fesili e uiga i faiga fa'asakalameta sa mafua ai ona fa'aosofia epikopo e fa'alaua'itele o latou malamalama'aga i mataupu silisili i

# SAKALAMETA

tua atu i lo fa'amatalaga fa'atauva'a na maua i le Feagaiga Tuai. Aemaise lava le talitonuga o se fa'amaufa'ailoga tumau fa'asakalameta po'o se uiga fa'aletagata na tuputupu a'e i le tali atu i fesili e pei ona ta'ua i lalo:

le ā le uiga mai le Tusi Pa'ia pe fai mai o Kerisiano ua 'fa'amau ma le Agaga Pa'ia?

Aisea i nisi o sakalameta, e pei o le papatisoga ma le fa'au'uga o ositaulaga e lē fa'alua ona faia mo se tasi?

I le alualua'i o seneturi e tele o le malamalama'aga fa'afilosofia o lenei fa'amau tumau ua suia. Na fa'aofiofi

malie mai le sa'asa'a o le vai i le papatisoga ua feso'ota'i ai ma le sasa'a mai o le Agaga i luga o lē ua papatisoina, ma le fa'asuau'uina i le fa'aulufale ma sauniga o le fa'au'uga ua feso'ota'i fo'i ma fa'amau e le Agaga. O le tu ma le aganu'u i na vaitau o le fa'ailogaina po'o le tatauina e fa'ailogaina ai fitafita, po'o le fa'amauin o ni mata'itusi i le ga'o o sela na feso'ota'i fo'i i lenei fa'amau fa'asakalameta. Na talia fa'apea, ona o le fa'amau na avatu i le papatisoga ma le fa'au'uga e tumau, pe afai o le sauniga sa fa'atino i le 'aula sa'o, o nei sakalameta e lē toe fa'alua ona fa'atinoina. Na avea lenei ma malamalama'aga fa'a-Katoliko i nei sakalameta.

## O MAREKO MA LE EUKALISITIA.

*O lenei tusitusiga ua fa'alauteleina ai le feso'ota'iga i le va o ulua'i Kerisiano i le talisuaga fa'ale-eukalisitia. Tusa e Thomas O'Loughlin o se polōfesa i le tala'aga fa'asolopito fa'atelosia i le lunivesite o Nottingham.*

O Mareko o se atamai maoa'e i le telosia o le ulua'i seneturi. I le tele o tala'aga fa'a-Kerisiano, na la'asia ai le lagolaoina o lana evagelia ona o ana fa'auigaga 'ūumi: O Mataio (sa iloa lana galuega i tusitusiga oto'oto) fa'apea ma Luka. Ma, ina ua faiatua, e masani ona sili atu i se vaega itiiti o se tala e tutusa lelei e fa'avae i luga o evagelia e fa po'o 'sinopi e toatolu.' O le mea moni, na pasia o ia i le 1971 i le taimi muamua na ia fa'atuina ai se faiga fa'avae o le tala'iga i le tala fa'asolopito atoa o ekalesia i le itu i sisifo! E leitioa foi, a sopoloa le amanaiaina o ia auala ma'ale'ale o lana telosia. Ae e tāua le manatuina o le failauga na mua'i fa'alauiloa uma le tagata ma le feau a lesu i totou o se tala, o Mareko. Tatou te leiloa se evagelia (o le 'evagelia' o se ituaiga o tusitusiga fa'a-Kerisiano) na muamua atu ia te ia, ae peitai, o le manua o ala o lana tala'iga o le evagelia ('evagelia' = 'talalelei') ua le gata ina osofa'i toetoe lava a tu'usa'o fa'ata'ita'iga (Mataio, Luka, Ioane - ma le tele o isi tagata fai evagelia ua lē ta'ua), ae na vase ona ia fa'atuina se vaega o talisuaga fa'a-vaiaso e fa'atasitasia ai Kerisiano e pei ona tatou va'aia mai le mea na ta'ua e Iusitino e uiga i le 'faiatua tu'usa'o mai tusitusiga a Apostolo' (i le ogātonou o le seneturi lona lua). O le fa'afouina o Mareko e le gata na avea ma tulaga masani o folafolaga a Kerisiano, ae na avea foi ma fatu i Sauniga o le Folafolaina o le Upu i le Eukalisitia. O lenei so'otaga faifaipea i le va o le fa'alogi i le evagelia ma le talisuaga o le eukalisitia na tula'i ai se fesili: pe na fa'apefea ona feso'ota'i e Mareko lana evagelia i le eukalisitia.

### O le amataga o talisuaga o le Eukalisitia.

O tauaoifiaga masani a i latou o e ua filifilia e avea ma so'o o lesu - o le upu 'Kerisiano' e le'i fa'aaogaina i lea vaitaimi - o le tausama'aga fa'ale-vaiaso. Tatou te iloa lenei mea i le auala na fa'atatau ai e Paulo le tauaoifiaga i Korinito (na tusia pe a ma le 54), o fa'atonuga mo ia mea e maua i le Didache, ae mai le mea moni i nei nu'u na manatu e fetaia'i ma ia fa'alapoptoga o so'o fa'atasi ma lesu a'o le'i maliu o ia e pei ona faia i le nofoaga o tausama'aga - e pei lava ona latou feiloa'i ma le lesu toetu. Lea na latou fetaia'i ai ma lesu i a latou tausama'aga fa'alenu'u, ona latou fuafua ai lea o lea fetaia'iga aga'i i tua i le taimi o le soifuaga o lesu. E tutusa lava, ua latou fa'atusatusa a latou tausama'aga pei o

se fa'aaauauga o le ulua'i talisuaga a lesu. A manatua lesu, ona manatua lea o ana talisuaga, ma mafuta atu i lona nu'u i le auai lea i talisuaga e manatua ai pea o ia. O le mea lea, e lē mafai ai e se tasi ona filifilia le 'Ala o le Ola' e aunoa ma le auai i le faiga'ai a le nu'u lea na fa'apaiaina e le Tama ina ua auina mai lona Alo, o Lē na tu'ufa'atasia nei tagata i se ekalesia; ma e lē mafai e se tasi ona manatuina lea talalelei na folafolaina e le Ala o le Ola e aunoa ma le manatuina o lesu, ina ua ia fesilafa'i fa'atasi ma le auso'o, na ia saunia mea'ai mo i latou, fa'apea le fa'aali atu ia i latou le ala e avatu ai le vi'iga i le Tama (*Didache 14*). O le mea lea, a'o ui atu Mareko mai lea ekalesia i lea ekalesia ma fa'ailoaina atu lana evagelia (ia manatua, o se tusitusiga o tautalaga tu'usa'o sa fa'amaumauina lea i pa'ula'au, ae lē o se tusi) e fa'apefea ona a'afia ai o ia i lea mea?

Se'i o tatou mafaufau ane fa'apea o Mareko na fa'atoā taunu'u mai i se ekalesia ma faia ni feūtaga'iga ma ona taitai. E lē pei o isi e va'ai i le fa'afeiloaiga i se tauaoifiaga o se avanoa maua fua, e tu'uina atu ia i latou i le a'omaofola fa'apea sē e mo'omia le 'tوفوفو' (e mafai ona maua i le *Didache 11-12*), o le lauloa o Mareko atonu na fa'aosofia ai o ia: o ia lea e mafai ona tu'uina atu sea tala matagofie e uiga ia lesu! O le mea lea o le a tu'uina atu ai ia te ia mea'ai ma fale fa'atasi ai ma se tagata o le nu'u e mafai ona ofoina atu e talimalō - o se fale e pei o Chloe lea sa fesoasoani ia Paulo. Atonu e te fesili i lea taimi: pe fa'apefea ona tatou iloa o Mareko o se tagata faimalaga, auā e lē na'o le lafoina atu o kopi o lana tusi? Muamua, e fa'apea se lagona o lana evagelia o se 'tusi' ma e fa'avae i luga o a tatou auala fa'aonaponei i tusitusiga e pei o ulua'i tusi; lona lua, tatou te iloa e toatolu isi (Mataio, Luka, Ioane) e foliga mai e le'i iloa e le tasi le isi, a ua latou iloa le evagelia a Mareko. O lenei mea e mana'omia le tele o le fa'asalalauga fa'alaua'itele: i lea lauloaga e mafai ona fa'amatalaina e ala i se manatu a le faievagelia o se tasi sa femalagaa'i solo ma fa'atino le tala'iga o lana evagelia ma tu'ua ai i ia nofoaga ni fa'amaumaua i luga o tusipa'u pepa, lea e mafai ona toe fa'aaogaina i lea mea ma nisi nofoaga, e se failauga.

Ona o'o lea i le aso muamua o le vaiaso, ona malolo ai lea mai ana faigamalaga, ona avea lea o ia ma malo fa'aaloaloga o le tausama'aga ma fa'atino ai le folafolaina atu o lana evagelia. O le manatu i le fa'atinoga i le tausama'aga atonu e foliga mai e lē mafai amatalaina, ae ua na o se ese'esega o fa'atinoga masani e pei o le tele o 'aiga te-tele aloa'ia, lea e te'a ai i le tagata talimalo e saunia musika po'o ni tala foi e fa'afiafia ai ana malo. A'o alo i le

# O MAREKO I FAITAUGA

taumafataga, o le taitai e faia le tatalo fa'afetai i le Tama mo le falaoa, ona soso'o ai lea ma le ipu, lea ua tufutufaina atu i lona agalelei i le auina mai o Le ua Fa'au'uina ma le ola ua latou maua mai ia te ia. Ua fa'apea se lagona o le *Didache*, a nofoia loa e se faiaga asiai, ona talosagaina lea o le malo e ta'ita'ia le tatalo fa'afetai - atonu o le matafaioi tonu lava lea e masani ona fai e Mareko. Na vala'au atu le fa'alapotopotoga o le tausama'aga ia te ia na te saunia le fa'apañaga ma lauga; i nisi o taimi e mafai ona ia nofo i tua sei vagana ai le taimi e folafola ai lana evagelia. O fa'atinoaga o le tausama'aga e mafai ona fesuisua'i e fuafua lava i le nuu: i nisi o nofoaga e muamua le ipu i lo le falaoa, a o isi nofoaga uma e fesui'a'i; o nofoaga e soso'o fa'atasi le faiga o fa'apaiaga, a'o isi e fai i vaega ese'ese i le tausama'aga; o nisi nofoaga e na'o le vai lava mo le latou ipu masani.

## Fa'afofoga la Mareko i lea fa'atulagana.

E fa'apefea la ona filifilia e Mareko lenei matālalaga (e pei ona faia e so'o se so'oupu) o le tauaoifiaga o le eukalisitia pe a fa'amatalaina lana tala? O le a, pe afai e i ai, ni upu fa'a'i u mai le tausama'aga na maitau e Mareko a'o fa'amatalaina atu ana tala? Pe na ia fa'aaogaina gaioiga a le aofia a'o latou fa'alogologo e fesoasoani ai ia te ia i le fa'alauateleina o lana evagelia? E le gata i lea, talu ai o ia lea o lo'o talanoa e uiga ia lesu o lē ua iloa sa 'a'ai fa'atasi ma le auaolafoga ma tagata agasala' (Mk 2:15), pe na lagonaina ea e le aufa'alogologo lana tala fa'a-eukalisitia, e uiga i a latou gaioiga a'o fa'alogologo? I le tala a Mareko e uiga i talisuaga a lesu, pe na fa'apefea ona a'afia ai lo latou malamalamā'aga i mea sa latou faia i le tausama'aga na latou a'ai ai? I le fa'atulagana

ua fa'alogo ai ia Mareko fa'atasi ai ma nei fesili i le mafaufau, tatou te maua ai le tele o fa'amatalaga e ese mai i le tala manino o le tausamiga o le Paseka i Ierusalem.

E tatala le evagelia a Mareko i folasaga fa'aleaiga e tolu, pei o le aiga sa lauga ai. A'o le o toe mamao le fa'atasiga a lesu ma ona so'o, ona soso'o ai lea ma le tausamiga i le tale o Simona Peteru (1: 29-31). A'o ia sa talai'i i totolu o le tale o se tasi aiga, lona uiga o tala'iga fa'aleaiga o se mea ua masani ai Mareko pe afai e leai se tagatalotu e i ai sona tale telē, peita'i e mananao uma e fe'ōma'i i totolu talu le fia fa'alogo ia te ia! O le isi va'aiga, o se tasi foi tausama'aga i totolu o se tale: o le taimi lea, o luga o le laulau a Levi, ae o autafa o lesu ua i ai ma 'isi' tagata e te'ēna i totolu o le nu'u; ma i le a'ai i lea laulau e pei o se vaila'au mo e mama'i (2:15-7). O ulua'i tausama'aga a le Eklesia sa maulalo, o faiga palapalā (pei o Korinito) ma o mea'ai a le Ali'i e fa'atusaina e pei o se vaila'au mo e lē tagolima ma fa'aesea, ae lē tauia i le mamā tusāi ma le talitonuga tonu. Ma o lo'o i ai se isi tausama'aga e tasi i lea taimi: a auai i le tausama'aga a lesu ia pei o malo o lo'o fefā'asoā'i i se tausama'aga o le fa'aipoipoga (2:19) – ua fa'aupuina o 'le talisuaga o tausama'aga uma.'

*...fa'auma atu le vaega mulimuli i le lomiga oi lu-ma.....fa'aliliuina e Falefou Sio.....*

## SAGATO ATONIO SAKARIA (OSITAULAGA 1502 – 1539)

I  
o



LE TAIMI TONU NA OSOFA'IA MA TAUFAIFAI AI Matini Lutelu i le Eklesia, se suiga i totolu o le Eklesia ua amata ona taufa'atino. O se tasi sa tete'e atu i nei suiga o Atonio Sakaria.

Na avea lona tinā o sē ua oti lana tane i le 18 o ona tausaga ma na tu'u atu atoa lona ola i a'oa'oga fa'aleagaga a lana tama. Sa ia maua se fa'ailoga mauluga i mataupu tau fa'afoma'i i le 22 o ona tausaga ma, a o galue mo tagata matitiva a lona nu'u o Cremona, na tosiga i le tofiga fa'alelotu fa'apostolo. Sa ia te'ea uma ni aiā tatau i mea na tu'u mai e lona aiga mo le lumana'i, galue o se faia'oga i mataupu tau o le Katesimo ma fa'au'u o se ositaulaga i le 26 o ona tausaga.

Na vala'auina i Milan mo nai tausaga, ma na ia fa'avae ai ni ituaiga se lua, tasi mo ali'i ma le tasi mo tama'ita'i. O le taumafaiga ina ia toe fa'afou le sosaiete ua fa'aletonu lona tulaga inā aso, amata mai i le 'au fai tofi o le lotu.

Sa telē le fa'aosofaina e Sagato Paulo (o lana fa'apotopotoga sa fa'aigoaina o le 'au Banapa, igoa o le uō a le sagato), sa a'oa'o atu ma le malosi i falesa ma auala, sa fa'atino ni galuega lelei ma sa lē mā e faia ni togisala i nofoaga faitele.

Sa ia fa'amalosia se faiga fou o le galulue fa'atasi o le tagatā lotu ma le 'au fai tofi, komunio i aso uma, le Fasefulu itula o tapua'iga ma le tāina o le logo a le falesa i le 3.00 i le aoauli i aso Faraile.

O lona pa'iaga sa suia ai olaga o nisi, e pei o sagato uma lava, ae sa fa'aosofaina ai nisi e tete'e atu i ai. Fa'alua ona su'esu'eina ana ituaiga ma na fa'alua fo'i ona fa'amagaloina.

A o aga'i atu i se galuega mo le filemū, sa a'afia i se ma'i tigaina tele ma na toe fa'afō'i mai i lona aiga e asiasi i lona tinā. Na maliu o ia i Cremona i le 36 o ona tausaga.

## PO O LE AGANU'U AUTALAVOU



O le aso To'ona'i aso 2 Iuni na fa'ailoga ai e le Tupulaga Talavou a le tatou Matagaluega le fa'ai'uga o le vaiaso o le Ga-gana Samoa e pei ona fa'ailogaina e Niu Sila i tausaga ta'itasi. Sa amata lava le afiafi i le saunigā lotu, ona soso'o ai lea ma le sisiina o le fua o le Malo o Samoa. O le aiga autalavou lava a le Matagaluega na gafa ma le fa'atinoina o le ava o le feiloa'iga auā le afifio o le ituaiga Sā ma le Aufaigaluega, le ta'ita'ifono ma le Matagaluega. Sa fa'apea ai fo'i ona talimalō i lea afiafi i le tama'ita'i o Natalie Leitulagi Toevai le Miss Samoa New Zealand. O le mae'a o le ava o le feiloaiga, ona alo atu lea o autalavou a Ekalesia ta'itasi mo fa'afiafiaga o lea po.

10

Matagaofie tapenaga ma sauniuniga a autalavou ta'itasi ma sa fa'afafia ai fo'i le au siva a le Anamua Fou i lea po. Na ta'ape le Matagaluega i lea afiafi ma le fafia ina ua i'u manuia mea uma.

E momoli atu ai le fa'amalo i autalavou uma sa 'au ai fa'apea le lagolagosua a le tatou Matagaluega, Fa'afetai, Fa'afetai, Fa'afetai Tele Lava.





## FAITAUGA MO LE MASINA IULAI 2018

I Faitauga ua aumai mo aso sa i le patipatia o le Eukalisitia, ua tu'uina mai e le Ekalesia ni suiga ma se talisuaga i le tusitusiga pa'ia ma, e ala mai ai, se avanoa e tomanatu ai i ni sini autū o la tatou talitonuga Kerisiano ua fa'aleleia atili i aganu'u sa tu'u lima mai iā i tatou i augatupulaga ua tuana'i.

O le vaitau la lenei ua tatou suia le Evagelia pu'upu'u a Mareko mo le lima vaiaso i se vaega mai le Evagelia a Ioane. E tele lava e mai le mataupu ono – tala a Iesu i le ‘Falaoa o le Ola’ ua tatala mai ai le telosia a le tusi evagelia e uiga ia Iesu o le “Fa’aaliga” a le Atua, ma ana a’oa’oga e uiga i le Eukalisitia. O se vaega tāua lenei e aogā le tomanatunatu i ai o se vaega atoa ae le’i va’ava’ai i vaega ta’itasi ua tu'uina mai i faitauga. Ae le gata i lea o le tele o le piriota ua ofoina mai le tusi matagofie a Paulo ia Efeso. E le pei o le tele o tusi a Paulo, o le tusi lenei e i ai le fa’atulagaga ma le finauga e mana’omia tele le va’ava’ai toto’ā i ai. E matuā talafeagai mo sē ua fa’alogo i ai po’o sē e a’oa’o atu e manatunatu i le tusi atoa ae le’i iloiloina vaega ta’itasi; o se galuega lelei lea i vaiaso ta’itasi.

11

### ASO MUAMUA O IULAI ASO SA 13 TAUSAGA MASANI:

Faitauga muamua: Poto 1: 13 – 15; 2: 23 – 25. Matua: O le matau’ā o le tiapolo ua ulu mai ai le oti i le lalolagi

Salamo: 30: 1, 3 (tali), 4 – 5 (tali), 10 – 12 (tali). Tali: Le Ali’i e, ‘ou te vivi’i atu iā te oe, auā ua e fa’aeaina a’u.

Faitauga lona lua: 2 Korinito 8: 7, 9, 13 – 15. Matua: Ia fesoasoani lo outou tamā i lo latou mativa.

Aleluia, Aleluia...O au afioga o le agaga ia, o le ola fo’i ia; o iā te oe upu o le ola e fa’avavau...Aleluia.

Evagelia: Mareko 5: 21 – 43. Matua: Funa e, ‘ou te fai atu iā oe, ia e tula’i.

#### **Tofitofiga o le Upu:**

O faitauga o le asō ua vala’auina lē o lo’o faitau e tomanatunatu i le misitelio o le oti o le tagata i le malamalamā’aga i a’oa’oga Kerisiano. O le faitauga pu’upu’u mai le tusi o le Poto o lo’o finau manino mai o le oti e lē o se vaega o fuafuaga a le Atua. O le tala mai le evagelia i le fa’atuina mai o le afafine o Iairo le pule o le sunako, mai le oti ua maua mai ai se fa’amaoniga autū o mea na tutupu ona o taumafaiga leaga a le tiapolo ua fa’ato’īlaloina e Iesu. O le to’atele ua fa’alogo i lenei faitauga atonu sa i ai i ni falelauasiga ma sa taumafai e malamalama, po’o ua fa’alogo i fa’amatatalaga o lo’o taumafai e fa’amatatala pe aisea i sē ua alofagia ua maliu ai. Ae o le lenei lava olaga e feagai lava le tagata ma le misitelio o le oti, ma e taumafai e malamalama i ai. Ae o le evagelia e le mana’o e aumaia se tali fa’atauvā’ā; e pei o latou ua feagai ma le fa’anoanoa ona o le oti, e leai ni tali fa’atauvā’ā. O le mea o lo’o aumai e le evagelia – e pei o i’inei – o le fa’amausalīna o le ola iā Keriso. E leai se fa’amatatalaga mai ia Iesu, leai se tali, na ona aumai o le ola: ‘Funa e, ou te fai atu iā te oe, ia e tula’i.’ O upu mulimuli ua fa’amatolosia ai le taofiofi e fa’amatatala – e leai se tala latou te faia, ae o le teineititi e tatau ona fai sana mea’ai!

O faitauga ole asō o se avanoa e tomanatu ai i le misitelio o le oti – ae lē o le taumafai e fa’amatatala pe taofiofi, ae ia maitauina ma fa’ailoa o Iesu e i ai lona malosi’aga i le oti. O le mea lena o lo’o folafola mai e le evagelia lenei, o mea lena o lo’o fa’amausalī e le Eukalisitia o lo’o patipatia, o le mea lena e mana’omia e le tagata fa’atuatua ona fa’alogo i ai: ‘Aua le fefe; a ia fa’atuatua.

# FAITAUGA MO LE MASINA IULAI 2018

## ASO 8 IULAI ASO SA 14 TAUSAGA MASANI

Aso Sa 14 Tausaga Masani: Faitauga muamua: Esekielu 2: 2 – 5.

Matua: O le aiga fouvale i latou, latou te iloa sa i ai le perofeta iā te i latou.

Salamo: 123: 1 – 2 (tali), 3 – 4(tali). Tali: Ua va’ai a’e o tatou mata i le Ali’i, se’ia alofa mai o ia iā te i tatou.

Faitauga lona lua: 2 Korinito 12: 7 – 10. Matua: ‘Ou te mitamita i mea ua ‘ou vaivai ai, ina ia tumau i o’u luga le mana o Keriso.

Aleluia, Aleluia...O a’u nei o le malamalama o le lalolagi; o lē mulimuli mai iā te a’u e iā te ia le malamalama o le ola...Aleluia

Evagelia: Mareko 6: 1 – 6. Matua: E leai se perofeta e lē mamalu, na o lona lava nu’u e lē mamalu ai.

### ***Tofitofiga o le Upu:***

E masalomia e to’atele le ‘au fa’atuatua e maua i ni lagona o le fa’anoanoa ma le faigatā o le olaga mai lea taimi i lea taimi e ui o la e taumafai e ola a’i e pei ona aumai e le evagelia. O faitauga e tolu o le asō ua fa’amanatu maia le moni, e lē o ofoina maia se olaga alu lelei ona o le talitonu. Ae o faitauga ua tu’uina maia se manatu ua fa’afesaga’i. O le olaga o le perofeta o Esekielu sa fa’ailogaina e avega mamafana na avatu i ai e le Ali’i – ma o lona fa’amaoni na ‘tauria’ i le fa’anoanoa ma le mafatia. E le’i avatua fo’i i ai le fa’amatfanfanaga o ana upu o le a aogā. E ao ona ia perofetaina ‘pe latou te fa’alogo pe leai’. O Paulo sa avatu atoa lona ola ma lona malosi i le folafolaina o le evagelia ua fa’aosofia e le misitelio o le ‘mea matuitui i le tino’. E maofa - ae leai se uiga – e mafaufau ai po’o le ā. E lē tāua lea – o le mea taulia ua tu’uina fa’atasi ma le upuleagaina, meafa’atigā, faileagaina ma tigā na ou o’o i ai ona o Keriso. Ae o na mea uma e leai se tāua ona ‘O la’u kalasia ua lava lea mo oe.’ Na o’o lava ia Iesu ia i lona nu’u sa te’ea o ia. O Esekielu, Paulo ma Iesu sa tu’uina atu i ai le upu a le Atua, ma o lena upu e lē aumaia se fa’amatfanfanaga i lē e folafolaina. O se tali aupito leaga i le tigā o le te’ena, o le taumafai lea e fausia ni upu e tau foliga e aumaia se fa’amatfanfanaga – ona avea lea e le o ni upu a le Atua ua ofoina mai le atoaga o le ola, ae o upu a le tagata e noa e leai ni uiga.

— 12 —

## ASO 15 IULAI ASO SA 15 TAUSAGA MASANI:

Faitauga muamua: Amosa 7: 12 – 15. Matua: Le tagata va’ai e, alu ia, ina e vavaloo i o’u nu’u o Isaraelu.

Salamo: 85: 8 – 9 (tali), 10 – 11 (tali), 12 – 13 (tali). Tali: Le Ali’i e, ia e fa’ailoa mai iā te i matou lou alofa; ia e foa’iina mai fo’i iā te i matou le olataga mai iā te oe.

Faitauga lona lua: Efeso 1: 3 – 14. Matua: Na ia filifili mai iā i tatou ona o Keriso, a o le’i fa’avaeina le lalolagi.

Aleluia, Aleluia...O a’u nei o le malamalama o le lalolagi; o lē mulimuli mai iā te a’u, e iā te ia le malamalama o le ola..Aleluia.

Evagelia: Mareko 6: 7 – 13. Matua: Ua vala’au atu Iesu iā te i latou.

### ***Tofitofiga ole Upu:***

O le faitauga manaia mai Efeso o lo’o vala’auina Kerisiano e fiafia ina ua filifilia – filifilia e le Atua iā Keriso. O le agaga fiafia a Paulo ua susulu atu lea i tagata – ma sa tatau ona pa’i atu iā i latou uma sa fa’alogologo a o folafola i le Sauniga. O lo’o i ai se mana’oga fa’aletagata ina ia filifilia – ma e le fa’apea ona e sili atu i lo isi – o lo’o fa’aalia le fa’ailoa mai lou lava tagata. O le mafuaga lenā ua tatou manino lelei ai i lo tatou fa’atuatuauga Kerisiano: na filifila fa’apitoa ma le mautinoa e le Atua tagata ta’ito’atasi – ma le anoanoa’i o isi – ona o le alofa.

E le fa’ape la ua filifilia ona faigofie ai lea o le olaga – o Amosa o se tagata na vala’auina mai lona olaga masani e avea ma perofeta na feagai atu ai i le te’ena mai le malō o lenā vaitau.

Ma le to’asefulu ma le lua mai le evagelia fo’i – na filifilia mo le galuega faugatā o le folafolaina o le salamō, ma na fa’ailoa atu i ai o le a i ai ni nu’u o le a te’ea i latou ma le amana’iaina o a latou a’oa’oga. Ae ui i lea, o se vaega o le filifilia o le fa’atino lea o le galuega ua tofia ai. o Amosa ma le to’asefulu ma le lua sa talia leleia le te’ena ona o le ‘oa o le kalasia’ na sasa’aa atu iā i latou. So’o se Kerisiano lava ua fa’aosofiaina i upu a Paulo e mafai ona tali atu i lenā vala’au ona o le mamalu o le kalasia ua talia – o le mea alofa e foa’i fua mai mo i tatou i le alofa.

# FAITAUGA MO LE MASINA IULAI 2018

## ASO 22 IULAI ASO SA 16 TAUSAGA MASANI:

Faitauga muamua: Ieremia 23: 1 – 6. Matua: ‘ou te fa’apotopoto i e totoe o la’u lafu mamoe; ou te tofia fo’i mo i latou o leoleo mamoe.

Salomo23: 1 – 3 (tali), 4 (tali), 5 (tali) 6 (tali). Tali: O le Ali’i o lo’u leoleo mamoe o ia; e leai se mea ‘ou te mativa ai.

Faitauga lona lua: Efeso 2: 13 – 18. Matua: O ia lava o lo tatou leleiga, ua na faia ia tasi e sa fa’alua.

Aleluia, Aleluia...O a’u mamoe e fa’alogo mai i latou i lo’u leo, ua ‘ou iloa fo’i i latou, ua latou mulimuli mai fo’i iā te a’u... Aleluia.

Evagelia: Mareko 6: 30 – 34. Matua: Ua fa’apei o mamoe i latou e leai so latou leoleo.

### ***Tofitofiga o le Upu:***

O le fa’atusa o le leoleo mamoe i le tusi pa’ia ua tatou masani ai, ma e to’atele fo’i ua fiafia ma masani i le Salamo o le aso – O le Ali’i o lo’u Leoleo Mamoe. Ae o le tagata o le leoleo mamoe o se lu’itau – fa’apea o se fa’amatafanafana i le au fa’atuatua. O le faitauga mai iā Ieremia ua si’isi’i atu ai le lu’itau i upu muamua ’Oi Talofa i le ‘au leoleo mamoe’. O lo’o tautala atu i ta’ita’i o Israuelu ua fulitua i le vala’uina ma mamoe sa tu’uina atu i la latou tausiga. E i ai tagata o le a fa’alogo i faitauga nei i le Misasa sa fa’alogoina le mafatia i le ti’aiina e le ‘au leoleo mamoe – ma atonu e sili atu le leaga i lo le tia’iina. Ma o latou uma e i ai le tausiga fa’alafulemū, atonu o le a a’oa’o ai i nei upu, e ao ona lu’itaufina ai. O mamoe a le Ali’i, ma o le Ali’i o le a fa’amasinoina i latou sa tu’u atu i ai le fa’atuatuaga e leoleoina i lona suafa – o le lu’itau lenā ma o se lu’itau e ao ona tauave ma le loto atoa. E le gata i lea o lo’o fa’amatafanafana le Atua iā Ieremia o lo’o a’afia ai ma ia fo’i: ‘Ou te fa’apotopoto fo’i...ou te tofia fo’i mo i latou o leoleo mamoe...e leai so latou e lē iloa’. I si manatu o le faitauga mai iā Mareko ua fa’amatofia ai lenā fe’au. O lo’o fuafua Iesu e ave ona so’o na o ia i se nofoaga lilo, ae o le motu o tagata ua iloaina ma mulimuli atu i ai. Ua fa’amatatalaina i latou o ni mamoe ua leai se leoleo mamoe, masalo ona e leai so latou ta’ita’i ma na fa’asaga atu loa Iesu e a’oa’o mo se taimi umi. Atonu e to’atele nisi e fa’alogo i nei upu i le aso Sa nei ua pei o ni mamoe e leai se leoleo mamoe. E aoga ona tomanatu i ai pe fa’apefea ona maua mo latou nei a’oa’oga.

13

## ASO 29 IULAI ASO SA 17 TAUSAGA MASANI:

aitauga muamua: 2 Tupu 4: 42 – 44. Matua: Latou te ‘a’ai, ae totoe lava.

Salomo: 145: 10 – 11 (tali), 15 – 16 (tali), 17 – 18 (tali). Tali: Le Ali’i e, o lo’o e fa’amatofia lou ‘a’ao ma fa’ama’o’ona i matou.

Faitauga lona lua: Efeso 4: 1 – 6. Matua: E tasi le tino, e tasi le Ali’i, e tasi le fa’atuatuaga, e tasi le papatisoga.

Aleluia, Aleluia...O a’u mamoe e fa’alogo mai i lou leo, ua ‘ou iloa fo’i i latou, ua latou mulimuli mai fo’i iā te a’u... Aleluia.

Evagelia: Ioane 6: 1 – 15. Matua: Ua tufatufa i e ta’o’oto, ua avatu faitalia i latou.

### ***Tofitofiga o le Upu:***

O le evagelia o le vaiaso ua tuana’i na fa’ai’u i se nofoaga sa tau fa’amatala ai e Mareko le vavega o le motu o tagata sa mulimuli atu iā Iesu. O latou na saunia faitauga ua aumaia Ioane mo lea fa’amatatalaga, ona tu’uina maia lea o le talanoaga na mulimuli mai ai. I le telosia a Ioane o galuega a Iesu ua le fa’amatatalaina o ni vavega ae o fa’ailoga, ma o fa’ailoga e tatau ona fa’amatatalaina ma malamalamaina ma o vaega ia a Iesu e fai i tuisitusiga a Ioane. I le masani ai o fa’amatatalaga a Ioane o mea na tutupu o ni fuafuaga uma ia a Iesu – ma o le fa’atinoia atoa o ia gaioiga, o Iesu lava e fuafuaina mea uma lava e tutupu. E masani ai fo’i o le Iesu a Ioane le fa’apuga ‘ua ia silafia lelei le mea o le a ia faia.’ O lo’o ta’ua mai ai o gaioiga uma lava a Iesu e le o se manatu fai fa’afuse’i i se tulaga ua mana’omia, ae o fuafuaga lelei o le fa’atinoina o a’oa’oga, i le fa’aoagaina o le fafagaina o le motu o tagata o se avanoa e fa’ailoa atu ai le misitelio o Keriso.

O le faitauga pu’upu’u muamua mai le tusi e lua o Tupu ua aumaia se fa’atomuaga o le fafagaina o le to’atele ae itiiti lava – ae aoga le maitauina ua na o Ioane – ae lē o evagelia sinopi e tolu – o lo’o talanoa mai o areto karite ma ua faia se feso’ota’iga fa’apitoa i le tala e uiga ia Elisaia. O lo’o i ai fo’i ma le faiga masani o nei tala e lua – e le lava le mea’ai e fafaga ai le ‘au fia ‘a’ai – ma o se agalelei nauā ona o le tele o mea’ai na totoe – o se fa’amanatu mai lea o le Atua anoanoa’i i taimi uma.

O le faitauga mai iā Paulo o se vaega mai Efeso ua manu a’e so’o; o lana fe’au lava e aoga le fa’alogo so’o pea i ai.

# Taulogologo

## FAITAUGA MO LE ASO SA MUAMUA O AUKUSO

Aso 5 Aukuso Aso Sa 18 Tausaga Masani:

Faitauga muamua: Esoto 16: 2 – 4, 12 – 15.

Matua: Ou te fa'atotoina ifo le mea e mai le lagi ma outou

Salomo: 78: 3 4 (tali), 23 – 24 (tali), 25, 54 (tali). Tali: Na avatu iā te i latou o mea e 'ai mai le lagi.

Faitauga lona lua: Efeso 4: 17, 20 – 24. Matua: Ia 'o'ofu outou i le tagata fou ua faia e foliga i le Atua.

Aleluia, Aleluia...O a'u nei le ala, ma le upu moni, ma le ola; e lē alu atu lava se tasi i le Tamā pe a le ui mai iā te a'u... Aleluia.

Evagelia: Ioane 6: 24 – 35. Matua: O lē sau iā a'u, e lē fia 'ai lava o ia; o lē fa'atutuua fo'i iā te a'u, e lē toe fia inu lava ia.

## O LE FA'ASOLOGA O MISASA MO IULAI 2018

1 <sup>st</sup> . Sunday	8.30am	Strathmore	Patele Petelo
1 <sup>st</sup> . Iulai 2018	10.30am	Taita	Patele Roderick Milne
	11.30	Titahi Bay	Patele Maleko
2 <sup>nd</sup> . Sunday			
8 <sup>th</sup> . Iulai 2018	11.30am	Naenae church	Patele Petelo
	11.00	Wainuiomata	Leai se Misasa
3 <sup>rd</sup> . Sunday			
15 <sup>th</sup> . Iulai 2018	11.00am	Newtown	Patele Maleko
	11.30am	Heretaunga	Leai se Misasa
4 <sup>th</sup> . Sunday			
22 <sup>nd</sup> . Iulai 2018	11.00am	Lower Hutt	Patele Maleko
	11.30	Stokes Valley	Patele Petelo

## KALENA A LE MATAGALUEGA MO IULAI 2018

Aso 2 Iulai aso Gafua– Fonotaga Autalavou  
6.00pm

Aso 21 Iulai Semina mo Tofiga 10.00am @ Lower Hutt.

Aso 6 Iulai Aso Faraile Muamua

Semina fa'apitoa mo Tofiga ma Ituaiga Nofo Voto. O le vaega muamua e saunoa ai Patele Patrick Bridgman. Vaega lona lua o Sister Tema....Vaega lona Tolu o le Patele Maleko Api –Tufuga.

Aso 13 iulai Fonotaga Matagaluega 6.30pm

E talosaga ai i le tatou Matagaluega aemaise lava Tupulaga Talavou o lo'o fa'asinotonu i ai lenei fa'amoemoe ina ia tau-tuana ma outou lenei avanoa taūa tele. Fa'afetai Lava